

Mafanikio ya SUZA ndani ya miaka miwili ya uongozi wa Dk Mwinyi

Mwandishi wetu, Mwananchi

Rais wa Zanzibar na Mwenyekiti wa Baraza la Mapinduzi, Dk Hussein Mwinyi leo anatimiza miaka miwili tangu alioapishwa kuwa Rais wa awamu ya saba wa Zanzibar.

Katika kipindi hicho, Dk Mwinyi amelea mapinduzi makubwa katika ujenzi wa uchumi shindani ambapo lengo ni kuhakikisha ukuaji huo unamgusa kila Mzanzibar.

Moja katika ya taasisi zilizoshiriki kikamilifu katika kuunga mkono juhudi zinazofanywa na Serikali ya awamu ya sita hususani katika Nyanja ya elimu ni Chuo Kikuu cha Taifa cha Zanzibar (SUZA).

Kabla ya kuzungumzia mafanikio ya SUZA kwenye miaka miwili ya uongozi Dk Mwinyi, Rais ijulikane kuwa sheria mama iliyoanzisha SUZA Namba 8 ya mwaka 1999 inaeleza kuwa Mkuu wa Chuo ni Rais wa Zanzibar na Mwenyekiti wa Baraza la Mapinduzi, hivyo ifahamike kuwa Dk Mwinyi ndiye mkuu wa chuo hicho.

Kuna mafanikio mengi ambayo SUZA wameyapata ndani ya miaka miwili ya uongozi wa Dk Mwinyi. Miongoni mwa hayo ni;

Uboreshaji wa mishahara na maslahi ya wafanyakazi jambo ambalo limeongeza morali ya ufanyaji kazi kwa kada zote mbili za uendeshaji na taaluma.

Chuo kimekuwa na muundo wa utumishi wake (Scheme of Service) wenye



Mkuu wa Chuo Kikuu Cha Taifa Cha Zanzibar na Raisi wa Zanzibar na Mwenyekiti wa Baraza la Mapinduzi, Dk Hussein Ali Mwinyi akiwa katika mahafali ya 17 ya chuo hicho yaliyofanyika mwishoni mwa mwaka 2021.

hadhi ya Chuo Kikuu kwa mujibu wa taratibu za kitaaluma zinavyohitaji.

Rais Dk Mwinyi amekiunganisha chuo na taasisi binafsi pamoja na viwanda vilivyo ndani na nje kwa lengo la kushirikisha wadau wa fani mbalimbali kupata nafasi ya kushirikiana na chuo kiufundi na kuandaa wahitimu wenye sifa na vigezo vina vyohitajika na soko la ajira.

Amewaamini wanataaluma na waendeshaji wa chuo kwa kuwapa nafasi mbalimbali kwenye Serikali kwa ajili ya kusaidia kusukuma mbele maendeleo ya nchi kwenye masuala ya Uchumi wa Buluu, elimu, sanaa na michezo jambo ambalo chuo kinaji-

vunia.

Katika kipindi hiki cha uongozi wake, chuo kimepiga hatua kwenye nyanja tofauti kwa kufuata ushauri na maelekezo yake kwenye masuala ya kitaaluma na kuna mabadiliko ambayo yanaonekana na yapo mengine mengi na yatakuja

Chuo kimeongeza program za masomo zinazoendana na mahitaji halisi ya kijamii. Kwa mara ya kwanza kwenye mwaka wa masomo 2022/2023 kuna Shahada ya Sanaa ya Mawasiliano ya Umma (B.A. in Mascommunication).

Kuna kozi mbili za Shahada ya Uzamili na chuo kinatarajia kuzianzisha mwakani na tayari Shahada moja ya

Maabara Tabibu imepata ithibati ya Tume ya Vyuo Vikuu Tanzania (TCU) nayo inatarajiwa kuanza kupokea wanafunzi katika mwaka ujao wa masomo.

Aidha, mradi wa Higher Education Economy Transformation (HEET) tunatarajia kupitia mitaala yetu na kuanzisha mitaala ya maomo mapya.

Kwenye miundombinu kwa sasa chuo kipo katika hatua za mwisho za kukamilisha michoro yake ya majengo mapya, hili ni wazo la Dk Mwinyi la kutaka chuo kuwa na mpango wa muda mrefu wa ukuaji na tunatarajia kuanza ujenzi wa majengo matatu ndani ya miaka mitano kupitia mradi wa HEET.

Ikumbukwe kuwa chuo kina eneo kubwa kwenye kampasi kuu ya Tunguu ambalo bado halijaendelezwa. Eneo hilo limeshaandaliwa mpango mkuu ambapo kwa miongozo yake tunatarajia kuongeza majengo mapya ikiwezekana Skuli zote za SUZA ziwe zina majengo eneo la Tunguu.

Matarajio ya Mkuu wa Chuo ni kuona chuo kinakuwa na haiba na hadhi ya juu kwa kuimarisha miundombinu ikiwemo majengo ya kisasa na huduma.

Kwa upande wa udahili chuo kimekuwa kikiongeza idadi ya wanafunzi wanaodahiliwa kila mwaka na kinatarajia baada ya kukamilika kwa ujenzi wa dakhalia na majengo mengine idadi ya udahili itaongezeka zaidi.

Chuo kina mikakati mingi ya kuku-

za taaluma ambapo kwa upande wa masuala ya Uchumi wa Buluu kuna mkakati wa ujenzi wa Taasisi ya Masomo ya Bahari itakayojengwa kwenye Kamapsi ya Nkrumah iliyoipo Beit el Ras.

Kwa upande wa kozi kinatarajia kuandaa mitaala ya masomo ya bahari ambayo imo kwenye utekelezaji wa mradi huo.

Chuo kimejikita kwenye utoaji wa elimu bora ikiwa ni pamoja na kuwaandaa wahitimu kuwa na ujuzi rahisi (soft skills) wa ziada utakaowawezesha kufungua fursa za kutengeneza weledi.

Mingoni mwa mbinu zinazotumika ni kuwaandaa wahitimu waweze kujijiri kwa kuwasomesha masomo kwa vitendo, nadharia na kuwapa elimu ya ujasiriamali. Chuo kinatarajia wanafunzi hao watapohitumu watakuwa na uwezo wa kushindana kwenye soko la ajira la ndani na nje.

Pamoja na hayo Baraza la Chuo liki-ongozwa na Mwenyekiti, Bi. Hamida Ahmed Mohamed na Menejimenti ya Chuo inamshukuru Rais Dk Mwinyi kwa kuwa pamoja nao na kutoa miongozo kwa ajili ya maendeleo ya chuo.

Aidha uongozi wa chuo unachukua fursa hii kumpongeza Mkuu wa Chuo kwa kutimiza miaka miwili ya uongozi wake kwa mafanikio ya kupigiwa mfano na unaahidi utaendelea kuunga mkono juhudi alizozianzisha za kuwakomboa wananchi kiuchumi.

Kazi iendele. Yajayo ni neema tupu



CHUO KIKUU CHA TAIFA CHA ZANZIBAR (SUZA)

SALAMU ZA PONGEZI KWA DKT. HUSSEIN ALI MWINYI KWA KUTIMIZA MIAKA MIWILI YA UONGOZI WAKE



Baraza la Chuo Kikuu cha Taifa cha Zanzibar kwa niaba ya Menejimenti ya Chuo na Wanajumuiya wote wa Chuo Kikuu cha Taifa cha Zanzibar (SUZA), linatoa salamu za pongezi kwa Mheshimiwa Dkt. Hussein Ali Mwinyi, Rais wa Zanzibar na Mwenyekiti wa Baraza la Mapinduzi ambaye pia ni Mkuu wa Chuo Kikuu cha Taifa cha Zanzibar kwa kutimiza miaka miwili ya uongozi wake kwa mafanikio makubwa.

SUZA inatambua na kuthamini jitihada zako za kukuza uchumi hasa eneo la Uchumi wa Buluu, kuimarisha uwajibikaji, kwa kupiga vita rushwa na ubadhirifu wa mali ya umma.

Ndani ya kipindi hiki cha Uongozi wako tumeshuhudia nia ya dhati ya ujenzi wa uchumi wa Buluu, usimamizi na uibuaji wa vipaji kwenye michezo, Sanaa na elimu kwa kuwaamini na kuwateua wanataaluma na waendeshaji wa Chuo wenye sifa kwa ajili ya kufanikisha adhema hii.

Chuo Kikuu cha Taifa cha Zanzibar kinafarajika kupokea miongozo yako kwa ajili ya uimarishaji wa Chuo na kinaahidi kuendelea juhudi za kutimiza wajibu wake wa kuchangia maendeleo ya elimu nchini na kuleta mabadiliko ya kiuchumi na kijamii kupitia utoaji wa elimu bora.

Kwa taarifa Zaidi kuhusu Chuo Kikuu cha Taifa cha Zanzibar tembelea tovuti

<http://www.suza.ac.tz>

Mawasiliano rasmi na Chuo yafanywe kupitia kwa:

Makamu Mkuu wa Chuo

Chuo Kikuu cha Taifa cha Zanzibar

Sanduku la Posta 146

Zanzibar, Tanzania

Barua pepe: vc@suza.ac.tz